

Die Lieblingslieder der Krippenkinder

Tierlieder

Häsli ich de Gruebe,
sitzt und schloft,
sitzt und schloft,
ohh arms Häsli bisch du chrank,
dass du nüme hüpf chasch?
Häsli hüpf, Häsli hüpf,
Häsli hüpf, Häsli hüpf.

Ond do chunnt eh Dinosaurier dether,
er esch mindestens 300 Kilo schwer,
er het riesiige Tatze med Chralle dra ond
schüpft alles weg das er tanze cha
weg, weg, weg (3x)
Wuhaaaa
Ond er klopf de Takt medem
Dinoschwanz ond tanzt de
Dinosauriertanz
Eimal he, eimal her, eimal grad, eimal
krumm
Ond jetzt gheit er um
Buumm

Dert äne am Bärgli det stoht e wissi
Geis, ih ha sii welle mälke, do hout sii
mir eis.
Holeduliduliduli, holeduliduliduli,
holeduliduliduli, holedulidulidu

Sie het mir eis ghaue das tuet mir so
weh, drum mälk ich miner läbtig kei
wissi Geiss meh.
Holeduliduliduli,....

Jetzt gohni is Städtli ond chauf mir eh
Geiss, aber das mou eh bruuni die
hout mir de keis.
Holeduliduliduli,....

Vo Aarau nach Olte do hets es Tunnel,
weme inne chunnt wird`s dunkel,
weme use chunnt wird`s hell.
Tschipfutschipfu, tschipfutschipfu,
tschipfutschipfu, halt, tuut tuut

Tirlitänzli, Chatzeschwänzli,
s'Chätzli wott go Muuse,
s'Müüsli isch is Loch ie gschloffte, und chunt nümme
uusä.

Tirlitänzli, Chatzeschwänzli, was wotts Chätzli maache?
S'tänzlet um das Löchli ume, isch das nöd zum Laache?

Tirlitänzli, Chatzeschwänzli, damal isch's nöd graate,
Chätzli, du muesch hüt is Bett, ohni Müüslibraate!



5 chliini Fischli schwümme is Meer,
sMami seih, ich chumme ned med,
ich bliibe lieber ich mim chliine grüne Teich,
will im Meer do hets Haie und die mache:
Schnipp, Schnapp, Schnippedischnapp,
Schnipp, Schnapp, Schnippedischnapp,
Schnapp, Schnapp.

4 chliini Fischli...

S chrücht es Schnäggli,
s chrücht es Schnäggli,
s Bärkli uuf, s Bärkli uuf,
äne wieder abe, äne wieder
abe,
uufem Buuch,
uufem Buuch.

Sähg liebs Schnäggli,
Sähg liebs Schnäggli,
seihsch du nüet, seihsch du
nüet,
gäll du chasch ned schwätze,
gäll du chasch ned schwätze,
drum seisch nüet,
drum seisch nüet.



Blubb, blubb, macht de chlini Fisch im Teich,
blubb, blubb, macht de chlini Fisch.
Blubb, blubb, macht de chlini Fisch im Teich,
blubb, blubb, macht de chlini Fisch.
Jo, ich weiss d Fisch mached,
schubidubidu, schubidubidu, schubidubidu,
Jo, ich weiss d Fisch mached,
schubidubidu, schubidubidu, schubidubidu
und ned nur blubb, blubb, blubb.

Hopp, Hopp, Hopp,
Rössli lauf Gallopp,
über Stock und über Stei,
aber brich dir jo keis Bei,
Hopp, Hopp, Hopp,
Rössli lauf Gallopp.

Poppe, poppe Hämmerli,
stägli uf is Chämerli,
stägli uf is Tuubehuus,
flüüged alli Tuube us.

(Wenn es leise gesungen wird, fliegen
die Tauben nicht aus)

Jo, öisi zwöi Chätzli sind tuusigi Spätzli,
händ schneewissi Tätzli und Chräueli dra.

Händ spitzi Öhrli und sidigi Höörli,
und sgoht e keis Jöhrli so fünd si scho aa.

Sii schliched dürs Hüüsli und packed die
Müsli
Und ploged sii grüusli.
Mer gsehtsne ned aa.

Det äne am Bärgli det stoht eh Traktor,
ih hane welle Öle do fahrt er devo.

Holleduli, duliduli, holleduliduliduli,
holledulli, duliduli, holleduliduliduli du

Det äne am Bärgli det stoht eh Soldat,
er putzt sini Stiefel med Gurkesalot.

Holleduli, duliduli, holleduliduliduli,
holledulli, duliduli, holleduliduliduli du

Chrüsi Müsi Lieder :D



A ramsamsam,
a ramsamsam,
guli guli guli guli guli,
ramsamsam,
a Rapi a Rapi,
guli guli guli guli guli,
ramsamsam.

Das isch höch und das isch tief.
Das isch grad und das isch schief.
Das isch dunkel und das hell.
Das isch langsam und das schnell.

Baduseli badäseli
jetzt chum i mit em Bäseli
und ruesse s Chämi uus.
dänn gump i über Stock und Stei
und jage alli Chinde hei.
baduseli badäseli
si lärmed s isch en Gruus

Schiifli fahre ufem See,
chame schöni Sache gseh,
chunnt de Wind ond chunnt de Sturm,
gheit das schöne Schiifli um.

Mini Farb und dini,
das git zäme zwei,
wärets drü vier füüf sächs sibe,
wo gern wettet zäme blibe
gits en Rägeboge
wo sich cha lo gseh,
gits en Rägeboge
wo sich cha lo gseh.

Lachs ab dem wo ne Brülle hät,
meinsch nöd au, dass er keini wett?
S'isch si Farb,...

S'hät mol eine en Buggel gha.
Hilf ihm doch, s'isch en alte Maa,
s'isch si Farb...

Schwiizertütsch cha nöd jede Mensch.
Denk dra, wennt de Francesco
kennsch, s'isch si Farb...

Rot isch s'Hoor oder lang chas si.
Lueg emol drunder und scho
gsehsch's ii: s' isch si Farb

Roti Rösli im Garte,
Maieriesli im Wald
Wänn de Wind chunnt cho chooge blose
So verwelked sii bald.
Tralalalalalalalal.....

Mit de Fingerli,
mit de Fingerli,
mit de flache flache Händli,
mit de Füstli,
mit de Füstli,
mit de Elleboge hoch.

Mit de Zeiheli,
Mit de Zeiheli,
med de flache flache Füessli,
med de Färse,
med de Färse,
med de Bei, Juheee

Das isch de Dume
De schüttlet Pflume
Da list sii uf
De treit sii hei
Und de chlini Stumpe
Isst sii ganz allei

Da isch in Bach gfalle
Dä het ne use zoge
Dä het ihn hei treiht
Dä het ihn is Bettli gleiht
U dä het ihm es schöns, schöns Gschichtli
verzellt

So zeigt euri Füessli,
so zeigt euri Schueh
und lueget de lustige Wöschfraue zue.

Sii wäsche, sii wäsche
de ganzi Tag.
Sii wäsche, sii wäsche
de ganzi Tag.

So zeigt euri Füessli...

Värsli



Zehn kleine Zappelfinger
zappeln hin und her.
Zehn kleine Zappelfinger
finden´s gar nicht schwer.
Zehn kleine Zappelfinger
zappeln auf und nieder.
Zehn kleine Zappelfinger
tun das immer wieder.
Zehn kleine Zappelfinger
zappeln ringsherum.
Zehn kleine Zappelfinger
toben rum wie dumm.
Zehn kleine Zappelfinger
spielen jetzt versteckt.
Zehn kleine Zappelfinger
sind auf einmal weg.
Zehn kleine Zappelfinger
rufen laut Hurra.
Zehn kleine Zappelfinger
sind auf einmal da.

Grossi schöni Seifeblotere
Schimmere im Sunneliicht.
Stiegi liisli höher,
em Himmel immer nöcher.

Da goht gho Biirli schüttle
Dä hilft am Bäumlü rüttle
Dä liest Biirli uf
Dä treiht sii hei, de Berg deruf
Und de chliini lieht fuhl im Gras.
Plumps, fällt ihm eh Birre uf Nas

Winterschlöfer, wachet alli uf,
nähmed all en tüüfe tüüfe Schnuuf.
Schmöcked ehr de wunderbari Duft?
Frühlig esch wieder, Frühlig esch wieder,
Frühlig esch wieder ich de Luft.

Veieliparfüm, süesse Blüetestaub, Bäarlauchblätter, wörzig
früsches Laub.
Schmöcked ehr de...

Räge, räge Tröpfli,
es ragnet uf mis Chöpfli,
wenns ragnet wärde Blüemli nass
und alli steindli uf de Gass,
wenns ragnet wärde Blüemli nass
und alli Steindli uf de Gass.

Frühlings Lieder

Schneeglöggli lüüt de Früelig chont no hüt.
Er het es Chränzli uf em Chöpfli
I de Hand es guldigs Stöckli
SCHneeglöggli lüüt de Früelig chonnt no hüt.

Im Wald im schöne grüne Wald
han ich es Plätzli wo mir gfallt
ich ligge det im weiche Moos
und luege stune bloss

Ich lose wie dä Vogel singt
und au wie s' Bächli lustig springt
und d' Chäferli und s' Müggli chli
die sümmeled verbi

Und d' Spinne mit dä lange Bei
diä chräset über Moos und Stei
und s' Schnäggli chrücht im Pilzli nah
s' wett öpis z' Ässe ha

Doch öpis gfallt mir bsunders guet
wänni i dä Tanne rusche tuet
und s' Eichhörnli ganz still versteckt
sis Näsli füre streckt.



Sunnestrah, tanz emal,
d Summermuusig ghöri scho,
überall, Bärg und Tal,
de Summer isch am cho.

Trarira, dr Summer, dä isch da
Mir wie jetzt gschwind i Garte ga
Dr Summer hüt nid warte la
Trarira, dr Summer, dä isch da.

Trarira, dr Summer, dä isch da
Juhee, mir gö i d`Hecke
Mir wie de Summer wecke
Trarira, de Summer, dä isch da

Trarira, dr Summer, dä isch da
Dr Summer, dä het gwunne
Dr Winter isch verrunne
Trarira, dr Summer, dä isch da.



Sommer Lieder

Oh, du goldigs Sünneli,
due doch wieder schiine,
bitte blib de ganz Tag do,
dass mir chöi verusse goh,
oh du goldigs Sünneli,
due doch wieder schiine.

Gross und rund isch d Sunne,
warm isch ihres Liecht,
ond ich wüsst nid was ich ohni Sunne miech.
Chunnt en dicki Wolcke,
wosi grad verdeckt,
doch scho sieht sii,
do bin ich,
ih ha mii nur versteckt.

Chum mer wie gho Chrieseli gwünne,
Weiss amene Ort gar grüseli viil.
Roti, schwarzi, gibeli gälli,
Zwöi bis drü ah einem Stii,
Faleri, Falera, Valeri, Valera,
Zwöi bis drü ah einem Stii.

Marrini, marruni, marroni,
die chaufe mer immer bim Toni.
Är macht en Schlitz und
denn chunnt d Hitz,
marrini, marruni, marroni,

marrini, marruni, marroni
Sinds ächt scho parat oder noni?
Är duet mir verzelle,
wies goht mitem Schälle.
Marrini, marruni, marroni

Marrini, marruni, marroni,
Jetzt hani mis Pack
ond jetzt gohni.
Sind heiss ich weiss
und nimm gliich eis,
marrini, marruni, marroni,
marrini, marruni, ma mmm..

S Näbutuech liht uf de Stross,
macht eus d Hoor und Backe nass,
Näbu wo isch euses Huus sägmers
Ich chumm nümme druus.
Wo isch au de Waud hii cho,
Näbu heschne du eus gno,
gang du graue Näbumaa
due eus d Sunne füre loh.

Herbst Lieder



Jetzt falled Blättli wieder
de Summer isch verbi
und Schwalbe flüge fort,
mir wüsse nid wohi.
Ade du schöne Summer
du settisch nonig gho,
doch übers Johr wenn wieder chunsch
denn sii mir alli froh.

Es schneiet uf de Berge scho,
Schnee chönntscho au do ab echo,
deck doch öise Garte zue,
s Huus bis ganz as Chemii ue.
Mi Schlitte stoht scho lang parat,
ih weiss au wie eh Schneemaa goht
und Schneebölle umeschüsse,
hei wörd ih de Schnee denn gnüesse.



Was tripp tripp trippelet
Und trapp trapp trappelet
Chönt ächt das es Esel sy
I-a ja ja, i-a, i-a ja ja, i-a.

Was ding ding dingelet
Und dong-dong-dongelet
Chönt ächt das dr Samichlaus sy
I-a ja ja, i-a, i-a ja ja, i-a.

Was rasch rasch raschelet
Und rusch rusch ruschelet
Het er ächt sy Sack derby
I-a ja ja, i-a, i-a ja ja, i-a

Und wenn dir wieder göht
Und üs wieder verlöht
Darf i vielleicht mit euch ga
I-nei, i-nei, i-nei
Blyb du nur dehei

Bi eus im Ofe isch eh chliine Maa,
dä het eh warmi Chappe aa,
dii eint Hand winkt,
die ander isch am Gurt,
Är wachst und wachst,
und wott ned furt.

Wär isch das Mändli, sähg wär kennts,
das isch dank de Griitibänz.
Wär isch das Mändli, sähg wär kennts,
das isch dank de Grittibänz.

Und wenner ändlech bache isch,
träg ich ihn uf de Chuchitisch,
due Anke und viel Konfi druf und
isse grad de ganz Ma auf.

Wär isch das Mändli,.....

Winter

Mir sind z'dritte uf em Schlitte
wänn dr Stross noch abe ritte,
hebed fescht und loos chas goo.
Wie das schtüübt, wie das schneit
öpper isch scho abegheit,
müen mer z'zweite witter goo.

Nur no zwoo durch de Schnee
es wird schnäller immer meh,
es verschloht eim fascht dr Schnuuf.
Chunnt e ganz e hochi Schanze
ich gseh alles nur no tanze
denn isch nur no eine druff.

Jetzt elei – ohh nei-
muess ich schtüüre mit de Bei
ich sus grad wie e Pfyl,
ich fahr krumm und ghei um
un de Schlitte nei wie dumm
fahrt eleini bis ans Ziil

Lieder

Kreis Lieder



Mer hebet d Hand ih Kreis
und wieder druus,
dri drus, dri drus
und schüttlet en den us,
das isch de schubidubidubidu aa,
abe, ufe
tscha tsch tscha

Mir hebet de Fuess in Kreis...

Gling, gling, gling, lueg Post esch do,
gling, gling, gling, vo Afrika,
Gling, gling, gling und no en Schritt,
gling, gling, gling und du chunsch mit.

Siidefädeli trollibus,
(Name) fährt im Autobus.
(Name) fährt im (Farbe) Pfeil,
husch, husch, husch nach Rapperswil.

Eis Elefäntli tanzed e so,
amene Spinnefädeli noch.
Es findet das so lustig und nätt,
dasses no gärn es Gspändli hät.

Zwei Elefäntli...



Das isch de Schlange ihre Tanz,
sie chunnt vom Bärgli abe,
sie het verlohre ihre Schwanz und
möchte ihn wieder ha.
Chum säg doch du,
bisch du ned au,
es chliises Stückli vo mim Schwanz,
Heiii!

Ich gho mit minere Latärne
und mini Latärne mit mir,
am Himmel lüchtet Sterne,
do unde lüchtee mir,
de Güggel chreit und
Chatz miaut,
La bimmel la bammel la bumm.

Ritual Lieder

Hinderem Huus, vorem Huus,
machemer Ringeltänzli, sOsterhäsli luegt eus zue, gwagglet
mitem Schwänzli.

Hinderem Huus, vorem Huus,
sueche mer Moos und Steindli, sOsterhäsli gumpt devo,
schlänkeret sini Beindli.

Hinderem Huus, vorem Huus,
baue mer chliini Näschtli, sOsterhäsli springt gschwind hei,
holt sis Eierchästli.

Hinderem Huus, vorem Huus,
tüend mer lustig singe, sOsterhäsli tuet eus höt, gfärbti Eier
bringe.

Ringel, ringel Rose
Gäli Aprikose
Öpfelschnitz und Wähe
(Namen) Dörfe sich dreihe



Ufrume, ufrume jetzt isch Zyt
Lueget was alles no umelit,
chömet alli versorget's gschwind,
dass mrs negst Mol au wieder
find!

Zahnputz Lieder

Ich be es Zahtüufeli
Ond wenn ih jedem Muul
Ich mach grossi Löcher
Ond mach sii Chrank und Fuul
Jeahh

Zähnli putze ned vergässe
Jede Tag nach jedem Esse
Zähnli dii müend sauber sii
Söscht gihts grossi Löcher drii



Ich putze mini Zäh vo Rot nach Wiis
Bewege mini Bürste gang rund im Chreis
Am Morge wenn ih Früh ufstoh
Am Obe wenn ich is Bettli gho
putzi mini Zäh so Wiis wie Schnee

Schlaf Lieder



Alles still in süßer Ruh
D'rum, mein Kind, so schlaf auch du
Draußen säuselt nur der Wind
Su-su-su, schlaf ein, mein Kind

Schlaf, Chindli, schlaf
Dr Vater hütet d'Schaf
D'Mueter schüttlet ds Bäumeli
Da falle viili Träumeli
Schlaf, Chindli, schlaf.

La Le Lu, nur der Mann im Mond schaut zu
Wenn die kleinen Babys schlafen
Drum schlaf auch du.

La Le Lu vor dem Bettchen stehn zwei Schuh
Und die sind genau so müde
Gehn jetzt zur Ruh.

Dann kommt auch der Sandmann
Leis' tritt er ins Haus
Sucht aus seinen Träumen
Dir den schönsten aus.

La Le Lu nur der Mann im Mond schaut zu
Wenn die kleinen Babys schlafen
Drum schlaf auch du.